

SESIÓN EXTRAORDINARIA DO PLENO MUNICIPAL DO DÍA 20 DE MAIO DE 2021

No salón de sesións da casa do Concello de Cambre, ás doce horas e un minuto do día vinte de maio de dous mil vinte e un, baixo a presidencia do señor alcalde don Óscar A. García Patiño, reúnese en sesión extraordinaria, en primeira convocatoria, o Pleno municipal.

Asisten os señores concelleiros dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta, de UxC; dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei, do PSdeG-PSOE; don Juan María Abalo Castex, dona María Jesús González Roel e dona Marta María Vázquez Golpe, do PP; don Brais Cubeiro Fernández, do BNG; don Raúl Varela Fraguío e dona Sandra Sánchez Vieites de AV; e integrando o Grupo Mixto, dona María Olga Santos López, de EU-Son en Común e dona María José García Hidalgo, de C's.

Non asisten, con escusa, don Juan González Leirós, de UxC, e don Daniel Carballada Rodríguez, do BNG.

Asisten don Francisco Javier Ulloa Arias, interventor, e dona Verónica María Otero López, secretaria accidental.

Segundo establece o artigo 130.1 do Regulamento orgánico municipal, no Concello de Cambre as actas do pleno municipal adoptan o sistema de videoactas.

De acordo co previsto no artigo 130.2, apartado 1º do citado texto normativo, o presente documento correspóndese coa acta sucinta da sesión extraordinaria do Pleno municipal do día 20 de maio de 2021, que xunto coa gravación dispoñible no enderezo electrónico <http://plenos.cambre.es> (ID: Video_202105201001050000_FH.mov), constitúe o documento público e oficial de videoacta desta sesión.

Faise constar que en cada punto da orde do día desta acta sucinta, inclúese a referencia temporal do comezo da gravación do dito punto, isto co fin de facilitar a súa localización.

Aberto o acto pola presidencia, examináronse os asuntos incluídos na orde do día da convocatoria.

1. Toma de coñecemento da Resolución da concelleira delegada da Área de Economía, Facenda e Recursos Humanos núm. 625/2021, do 30 de abril, de liquidación do orzamento de 2020

Acceso á videoacta – 00:00:13 horas

Vista a Resolución da concelleira delegada da Área de Economía, Facenda e Recursos Humanos núm. 625/2021, do 30 de abril, de liquidación do orzamento de 2020, que consta do seguinte teor literal:

“Vistos os estados da liquidación do orzamento municipal do exercicio 2020 formulados e informados pola Intervención municipal.

Visto o establecido no artigo 191.3 do Real decreto legislativo 2/2004, de 5 de marzo, polo que se aproba o texto refundido da Lei reguladora das facendas locais e no artigo 90 do Real decreto 500/1990, de 20 de abril.

En uso das atribucións que me foron conferidas polo señor alcalde segundo a Resolución núm. 1323, de data 1 de xullo de 2019, **RESOLVO:**

Primeiro: Aprobar a liquidación do orzamento de 2020 da que se deducen, entre outros, os seguintes datos:



CONCELLO DE
CAMBRE
R.E.L. 01150177

Orzamento de gastos	Euros
Créditos iniciais	18.107.929,36 €
Modificacións	4.200.455,68 €
Créditos definitivos	22.308.385,04 €
Gastos comprometidos	16.878.001,35€
Obrigas recoñecidas netas	15.249.680,46€
Pagamentos ordenados	15.209.180,39€
Pagamentos realizados	14.551.538,98€
Obrigas pendentes de pago a 31/12	1.911.200,04
Remanentes de crédito	7.058.704,58

Orzamento de ingresos	Euros
Previsións iniciais	18.107.929,36 €.
Modificacións	4.200.455,68 €
Previsións definitivas	22.308.385,04 €
Dereitos recoñecidos	16.720.270,52€
Dereitos anulados	29.231,93€
Dereitos cancelados	0,00€
Dereitos recoñecidos netos	16.690.948,59 €
Recadación neta	16.638.289,53€
Dereitos pendentes de cobro a 31/12	610.609,71€
Exceso de previsión	5.617.346,45€

Outros datos resumo de especial interese:

- debedores pendentes de cobro a 31/12, 611.217,60 euros,
- acredores pendentes de pagamento a 31/12, 1.911.827,93 euros,
- resultado orzamentario axustado do exercicio, 1.415.240,43 euros,
- remanente de tesourería total, 9.467.512,01 euros,
- exceso de financiamento afectado, 183.099,81 euros,
- remanente de tesourería para gastos xerais, 8.986.854,13 euros,
- aforro neto, 1.707.269,56 euros,
- capacidade de financiamento, 1.081.748,98 euros, polo que cumpre co obxectivo de estabilidade.
- gasto computable resultante da liquidación do Orzamento de 2020, 13.433.056,06 euros, inferior ao teito de gasto definitivo para o exercicio 2020, polo que cumpre co obxectivo de regra de gasto.
- porcentaxe de débeda viva sobre ingresos correntes: 14,64 por cento, cumprindo co obxectivo de límite de débeda.

Segundo: Remitir copia da liquidación do Orzamento do exercicio 2020 á Consellería de Presidencia, Administracións Públicas e Xustiza, remisión que se realizará unicamente a través do Rexistro Telemático Único da Administración da Xunta de Galicia mediante a aplicación dispoñible no portal da Xunta de Galicia www.eidolocal.com, e ao Ministerio de Facenda e Administracións Públicas mediante a súa rendición telemática a través da oficina virtual para a coordinación financeira coas entidades locais da Dirección Xeral de Coordinación Financeira coas Comunidades Autónomas e as Entidades Locais.

Terceiro: Comunicar a resolución ó pleno na vindeira sesión que teña lugar."

Visto a toma de coñecemento por parte da Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 14 de maio de 2021.

Os dezanove concelleiros asistentes á sesión do Pleno municipal toman coñecemento da resolución de referencia.

2. Proposta de aprobación do expediente de suplemento de crédito número 1/2021

Acceso á videoacta – 00:00:27 horas

Vista a proposta da concelleira delegada da Área de Economía, Facenda e Recursos Humanos, de data 11 de maio de 2021, que consta do seguinte teor literal:

“Visto que a aprobación do orzamento 2021 veu marcada polo impacto da Covid 19 no noso Concello.

Vista a liquidación do orzamento que arroxa un Remanente Líquido de Tesourería positivo de 8.014.837,70 €.

Vista o acordo do Consello de Ministros de data 6 de outubro que acorda a suspensión das regras fiscais para o bienio 2020-21, o que libera ós concellos, sempre dentro de criterios de prudencia, para utilización do Remanente.

Vista a memoria de Alcaldía onde se detallan e xustifican os gastos obxecto deste expediente.

Vista a imposibilidade de demorar este gasto e a imposibilidade de financiamento mediante baixas noutras aplicacións.

Visto que de conformidade coas disposicións legais vixentes, cando deba realizarse algún gasto e o crédito consignado no Orzamento sexa insuficiente, a Corporación poderá acordar unha concesión de suplemento de crédito.

Visto o disposto na décimo segunda das Bases de execución do orzamento para 2021, e a dispoñibilidade de financiamento con cargo ao remanente líquido de tesourería.

É polo que propoño ao Pleno do Concello de Cambre a adopción dos seguintes acordos:

Primeiro: Aprobar o expediente de suplemento de crédito número 1/2021 por importe de 3.000.000 euros nas aplicacións orzamentarias detalladas na memoria de Alcaldía financiado con remanente líquido de Tesourería.

Segundo: Que se expoña ao público por prazo de quince días hábiles no *Boletín Oficial da Provincia* e no taboleiro de edictos do Concello, a efectos de que os interesados poidan examinalo e efectuar as reclamacións que consideren oportunas.

Terceiro: No caso de que non se presentasen reclamacións considerárase definitivamente aprobado o expediente para a súa entrada en vigor.”

Visto o ditame favorable emitido pola Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 14 de maio de 2021.

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguinedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei), os dous concelleiros de AV (don Raúl Varela Fraguío e dona Sandra Sánchez Vieites) e unha concelleira integrante do Grupo Mixto (dona María José García Hidalgo, de C's). Abstéñense os tres concelleiros do PP (don Juan María Abalo Castex, dona María Jesús González Roel e dona

Marta María Vázquez Golpe), o concelleiro presente do BNG (don Brais Cubeiro Fernández) e unha concelleira integrante do Grupo Mixto (dona María Olga Santos López, de EU-Son en Común).

O Pleno municipal, por catorce votos a prol, aprobou a proposta tal e como foi transcrita.

3. Proposta de modificación do Plan Estratéxico de Subvencións 2020/2023 para o exercicio 2021

Acceso á videoacta – 00:08:48 horas

Vista a proposta da concelleira delegada da Área de Economía, Facenda e Recursos Humanos, de data 11 de maio de 2021, que consta do seguinte teor literal:

«O Plan estratéxico de subvencións 2020 - 2023, aprobouse polo Pleno da Corporación en sesión ordinaria do día 19 de decembro de 2019, con carácter supletorio da correspondente ao día 26 de decembro, modificándose para o exercicio 2021 por acordo do Pleno en sesión extraordinaria de data 22 de decembro de 2020.

Para o seu seguimento conta cunha comisión de seguimento e avaliación, a cal debe reunirse para a súa actualización, nos termos do establecido no art. 4.2 do PES

«4.2. Modificación do PES

Segundo o artigo 14.1 do Regulamento da LGS, o plan estratéxico poderá ser actualizado anualmente en 2021, 2022 e 2023 coa información relevante dispoñible e remitida por cada un dos departamentos.

A actualización realizarase antes da aprobación dos orzamentos, tendo en conta particularmente o previsto nas leis anuais de Orzamentos Xerais do Estado. A indicada actualización realizarase por parte do Grupo para o seguimento e a avaliación e someterase a aprobación do pleno, e será publicitada nos mesmos termos que a aprobación do mesmo.»

Aínda que se prevé a actualización anual, a situación de excepcionalidade provocada pola pandemia COVID-19, incide negativamente no ámbito económico e social do concello de Cambre, polo que se han de adoptar novas medidas para dar unha áxil resposta dende a Área de Benestar social ás necesidades dos veciños e veciñas, o que se pretende acadar, entre outras medidas, coa sinatura dun convenio de colaboración coa Cruz Vermella para a xestión da Despensa municipal de alimentos de Cambre, o cal permitirá que o persoal dos servizos municipais poida concentrar os seus esforzos noutras formas de intervención.

Tamén se considera preciso retomar as medidas de cooperación internacional no ámbito social, máis necesarias se cabe nestes tempos, dado o agravamento da situación dos países desfavorecidos, derivada da carencia de medios adecuados para a loita contra a pandemia nos mesmos, considerando como medio idóneo a sinatura dun convenio de colaboración co Fondo Galego de Cooperación e Solidariedade, entidade que desenvolve accións de cooperación ao desenvolvemento no estranxeiro e á cal está adherido este concello dende o ano 2004.

Tendo isto en consideración, convocouse a comisión de seguimento e avaliación para a aprobación dunha proposta da modificación do PES 2020/2023 para o exercicio 2021, a cal, reunida en sesión de data 11 de maio de 2021, propón ao Pleno, previo ditame da comisión informativa de Presidencia, Economía, Facenda, Recursos Humanos e Desenvolvemento socioeconómico, a adopción dos seguintes acordos:

Primeiro: Aprobar a modificación do Plan estratéxico de Subvencións 2020-2023 para o exercicio 2021, co seguinte tenor literal:



CONCELLO DE
CAMBRE
R.E.L. 01150177

«

PLAN ESTRATÉXICO

DE SUBVENCIONS

MODIFICACIÓN 2021

ÍNDICE

1. Introducción. Obxectivos xerais pretendidos coa modificación do 2º PES do Concello de Cambre

2. Competencia na modificación do PES, publicidade e transparencia do PES.

2.1. Competencia na modificación do PES.

2.2. Publicidade do PES

2.3 Transparencia do PES.

Anexo: Fichas individualizadas das liñas modificadas.

1. INTRODUCCIÓN. OBXECTIVOS XERAIS PRETENDIDOS COA MODIFICACIÓN DO 2º PES DO CONCELLO DE CAMBRE

Propponse dende a área de Benestar social a introdución de dúas novas subvencións nominativas.

Tratase de introducir, non só dúas subvencións nominativas senón tamén dúas novas liñas subvencionais dentro do apartado 2.1. Acción social. Por unha banda unha ligada a cooperación internacional para cumprir os compromisos acadados polo concello de Cambre á hora de integrarse no denominado fondo de cooperación. Por outro lado unha subvención que sirva de amparo económico ao convenio coa Cruz Vermella co obxecto de que reparta os alimentos e xestione a Despensa Municipal de Alimentos de Cambre. Nos remitimos neste punto á proposta asinada dende o departamento de Benestar Social.

Lembrar que o procedemento adecuado para o outorgamento é a libre concorrencia, establecendo no artigo 22.2 da Lei 38/2003 xeral de subvencións a excepción a esta libre concorrencia:

“2. Podrán concederse de forma directa las siguientes subvenciones:

- a) Las previstas nominativamente en los Presupuestos Generales del Estado, de las comunidades autónomas o de las entidades locales, en los términos recogidos en los convenios y en la normativa reguladora de estas subvenciones.*
- b) Aquellas cuyo otorgamiento o cuantía venga impuesto a la Administración por una norma de rango legal, que seguirán el procedimiento de concesión que les resulte de aplicación de acuerdo con su propia normativa.*
- c) Con carácter excepcional, aquellas otras subvenciones en que se acrediten razones de interés público, social, económico o humanitario, u otras debidamente justificadas que dificulten su convocatoria pública.”*

Se verifica que existe xustificación para excluír estas subvencións da libre concorrencia.

2. APROBACIÓN DA MODIFICACIÓN, PUBLICIDADE E TRANSPARENCIA DA MODIFICACIÓN.

2.1. Aprobación da modificación do PES 2020-2023 do Concello de Cambre.

O órgano competente para a aprobación da modificación do Plan Estratégico de Subvencións é o Pleno municipal, dado que se trata dun instrumento de planificación estratéxica da actividade subvencional ou de fomento e de xestión económica, de acordo co previsto no apartado e) do artigo 22.2 da Lei 7/1985, de 2 de abril, de bases de réxime local.

2.2. Publicidade do PES 2020-2023.

O acordo plenario pola que se proceda á modificación do PES 2020-2023 será comunicado aos xefes de cada área

Igualmente se publicará a modificación na páxina web municipal (www.cambre.org) séndolle de aplicación así mesmo calquera outras disposicións en materia de información e transparencia previstas en cada momento no ordenamento xurídico.

2.3. Transparencia

Todas as subvencións concedidas polo concello, en cada unha das súas liñas estratéxicas, programas de axuda e convocatorias serán publicadas durante o mes seguinte a cada trimestre natural, de acordo cos artigos 30 e 31 do Regulamento da Lei 38/2003, xeral de subvencións, na web municipal (www.cambre.org) no Tablón de anuncios físico, no Boletín Oficial correspondente, cando sexa necesario, e na Base de Datos Nacional de Subvencións, indicando o beneficiario, a contía concedida e o proxecto ou acción á que vai destinado.

Anexo: Fichas individualizadas das liñas de subvencións modificada.

Acción Social	Área 1	Código 1.5
CRUZ VERMELLA CAMBRE		
a. Obxectivo estratéxico	Atender aos colectivos máis vulnerables do municipio de Cambre, centrándose fundamentalmente na xestión e reparto de alimentos da Despensa Municipal de Alimentos de Cambre.	
b. Obxectivo específico	Ceder a xestión da Despensa Municipal de Alimentos de Cambre para realizar o reparto de produtos de primeira necesidade á veciñanza en situación de vulnerabilidade de Cambre.	
c. Prazo	Anual	
d. Custo presupostado	4.000,00 €	
e. Porcentaxe máx. da achega	100%	
f. Fonte de financiamento	Recursos Propios	
g. Procedemento de concesión	Nominativa	
h. Plan de actuación	Sinatura de Convenio	

Acción Social	Área 1	Código 1.6
FONDO GALEGO DE COOPERACIÓN E SOLIDARIEDADE		
a. Obxectivo estratéxico	Reducir a vulnerabilidade e factores de risco en nenos e nenas a través do acceso á educación e saúde, nun contexto de pandemia provocada pola COVID-19.	
b. Obxectivos específicos	Promover o acceso dos nenos e nenas aos servizos educativos preescolares e desenvolvemento de hábitos saudables. Mellorar o servizo de saúde materno infantil na unidade sanitaria de Massaca 1.	
c. Prazo	Anual	
d. Custo presupostado	15.000,00 €	
e. Porcentaxe máx. da achega	100%	
f. Fonte de financiamento	Recursos Propios	
g. Procedemento de concesión	Nominativa	
h. Plan de actuación	Sinatura de Convenio	

»

Segundo: Publicar a modificación do Plan estratéxico de Subvencións 2020-2023 na paxina web municipal (www.cambre.es), e dar conta aos xefes das áreas municipais afectadas.”

Visto o ditame favorable emitido pola Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 14 de maio de 2021.

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguinedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei) e os dous concelleiros de AV (don Raúl Varela Fraguío e dona Sandra Sánchez Vieites). Abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), o concelleiro presente do BNG (don Brais Cubeiro Fernández) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por trece votos a prol, aprobou a proposta tal e como foi transcrita.

4. Proposta de aprobación da modificación da Base cuadraxésimo sexta das de execución do orzamento para o exercicio 2021

Acceso á videoacta – 00:10:59 horas

Vista a proposta da concelleira delegada da Área de Economía, Facenda e Recursos Humanos, de data 11 de maio de 2021, que consta do seguinte teor literal:

«En sesión ordinaria celebrada con data 22 de decembro de 2020, o Pleno desta corporación, acordou aprobar o orzamento municipal para o exercicio 2021 así como as bases de execución do mesmo.

Na Base 46ª, referida ás subvencións nominativas, establece as subvencións nominativas que se outorgaran no exercicio 2021, conforme co establecido no artigo 22.2.a) da Lei xeral de subvencións, detallando os perceptores e o importe máximo das mesmas.

Dende a concellería de Benestar social considérase necesaria a concesión de dúas novas subvencións nominativas a prol da Cruz Vermella e do Fondo Galego de Cooperación e Solidaridade como entidade colaboradora, motivo polo cal se convoca a comisión de seguemento e avaliación do PES 2020/2023, que aproba a modificación do PES para o exercicio 2021 e a elevación da proposta ao Pleno, unha vez se ditamine pola comisión informativa de Presidencia, Economía, Facenda, Recursos Humanos e Desenvolvemento socioeconómico.

Adoptado o acordo polo Pleno da corporación de modificación do Plan estratéxico 2020/2023, resulta necesario que o Pleno adopte acordo de modificación da Base 46ª das de Execución do Orzamento para incorporar as novas subvencións nominativas.

De conformidade cos artigos 169 do Real decreto legislativo 2/2004, de 5 de marzo, polo que se aproba o Texto refundido da Lei reguladora das facendas locais e artigo 112 da Lei 7/1985, de 2 de abril, reguladora das bases de réxime local.

Propónse ao Pleno a adopción dos seguintes acordos:

Primeiro: Aprobar inicialmente a modificación da Cuadraxésimo Sexta das Bases de execución do orzamento xeral para o exercicio 2021, consistente na inclusión entre as subvencións nominativas outorgadas de conformidade co establecido no artigo 22.2.a) da Lei xeral de subvencións, das seguintes:

“	APLICACIÓN	SUBVENCIÓN NOMINATIVA	IMPORTE	”
	(...)			
	231 48903	CRUZ VERMELLA	4.000,00 €	
	231 47900	FONDO GALEGO DE COOPERACIÓN E SOLIDARIEDADE	15.000,00 €	

Segundo: Expoñer ao público por un período de quince días hábiles previo anuncio inserto no *Boletín oficial da provincia*, durante os cales os interesados poderán examinalos e presentar reclamacións ante o Pleno. O expediente considerárase definitivamente aprobado se durante o citado prazo non se presentasen reclamacións, en caso contrario, o Pleno disporá do prazo de un mes para resolvelas.»

Visto o ditame favorable emitido pola Comisión Informativa de Presidencia, Economía, Facenda, Recursos Humanos e Desenvolvemento Socioeconómico de data 14 de maio de 2021.

Sometido o asunto a votación ordinaria do Pleno municipal, votan a prol os sete concelleiros presentes de Ux (don Óscar A. García Patiño, dona Elisa Pestonit Barreiros, don Ramón Boga Moscoso, dona María Carmen Pan Matos, don Daniel Mallo Castro, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguiniedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei) e os dous concelleiros de AV (don Raúl Varela Fraguío e dona Sandra Sánchez Vieites). Abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), o concelleiro presente do BNG (don Brais



Cubeiro Fernández) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por trece votos a prol, aprobou a proposta tal e como foi transcrita.

E non habendo máis asuntos que tratar, o señor presidente levantou a sesión cando son as doce horas e trece minutos, do que eu, secretaria accidental, certifico.

O presidente

Óscar A. García Patiño

A secretaria accidental

Verónica María Otero López